

ত্রিপুরা সরকার
তথ্য ও সংস্কৃতি অধিকার

স-৩১৮৪

ধর্মনগর, আমবাসা, খোয়াই, বিলোনীয়া,
শান্তিরবাজার, অমরপুর, করবুক, সারুম
কুমারঘাট, পানিসাগর, ছৈলেংটা, কাঞ্চনপুর
সোনামুড়া, জিরানীয়া, জম্পুইজলা, মোহনপুর
তেলিয়ামুড়া, ০৩ অক্টোবর, ২০২৩

রাজ্যে যথাযোগ্য মর্যাদায় গান্ধী জয়ন্তী উদযাপিত

বিভিন্ন অনুষ্ঠানের মধ্যদিয়ে গতকাল সারা রাজ্যে জাতির জনক মহাত্মা গান্ধীকে শ্রদ্ধা জানানো হয়। ধর্মনগরে বিবেকানন্দ সার্থশতবার্ষিকী ভবনে আয়োজিত অনুষ্ঠানের উদ্বোধন করেন ধর্মনগর পুর পরিষদের চেয়ারপার্সন প্রদ্যোৎ দে সরকার। উপস্থিত ছিলেন ধর্মনগর পুর পরিষদের ভাইস চেয়ারপার্সন মঞ্জু নাথ, মহকুমা শাসক বি কে এইচ বি, সমাজসেবী শ্যামল নাথ, পদ্মপুর দ্বাদশমান বিদ্যালয়ের প্রিন্সিপাল অজিত দাস প্রমুখ। অনুষ্ঠানে সভাপতিত্ব করেন সাংস্কৃতিক ব্যক্তিত্ব সমর চক্রবর্তী। অনুষ্ঠানের শুরুতে গান্ধীজির প্রতিকৃতিতে পুষ্পার্ঘ অর্পণ করে শ্রদ্ধা জানানো হয়। এর পর বিভিন্ন বিদ্যালয়ের ছাত্রছাত্রী ও সাংস্কৃতিক সংস্থার শিল্পীগণ সাংস্কৃতিক অনুষ্ঠান পরিবেশন করেন। ধর্মনগর পুর পরিষদের উদ্যোগে সচ্ছতা হি সেবা কর্মসূচি উপলক্ষে অনুষ্ঠিত বিভিন্ন প্রতিযোগিতায় বিজয়ীদের পুরস্কৃত করা হয়। অনুষ্ঠানে স্বাগত বক্তব্য রাখেন বরিষ্ঠ তথ্য আধিকারিক সঞ্জীব কুমার দাস।

মহাত্মা গান্ধীর জন্মজয়ন্তী উপলক্ষে গতকাল সন্ধ্যায় আমবাসা টাউনহলে শ্রদ্ধাঞ্জলি অনুষ্ঠানের আয়োজন করা হয়। অনুষ্ঠানের উদ্বোধন করেন আমবাসা পুর পরিষদের ভারপ্রাপ্ত চেয়ারপার্সন গোপাল সূত্রধর। উদ্বোধক, অনুষ্ঠানের সভাপতি আমবাসা পুর পরিষদের ক্রীড়া ও সংস্কৃতি বিষয়ক স্থায়ী কমিটির সভাপতি সুমন দেবনাথ, আমবাসা পুর পরিষদের ডেপুটি সিইও সমীরণ রায়, শিক্ষক স্বপন নম সংক্ষিপ্ত আলোচনা করেন। স্বাগত বক্তব্য রাখেন তথ্য ও সংস্কৃতি দপ্তরের ধলাই কার্যালয়ের সহ অধিকর্তা চন্দন সরকার।

খোয়াইয়ে পুরানবাজার হরিমন্দিরের নাট মন্দিরে আয়োজিত এক অনুষ্ঠানের মধ্য দিয়ে মহাত্মা গান্ধীর জন্মজয়ন্তী উদযাপন করা হয়। অনুষ্ঠানের উদ্বোধন করেন ও বক্তব্য রাখেন খোয়াই জিলা পরিষদের কর্মবিষয়ক স্থায়ী কমিটির সভাপতি সুরত মজুমদার। অনুষ্ঠানে সভাপতিত্ব করেন ও বক্তব্য রাখেন খোয়াই পুর পরিষদের চেয়ারপার্সন দেবাশিস নাথ শর্মা। উপস্থিত ছিলেন পুর পরিষদের সদস্য মৃত্যুঞ্জয় নাথ শর্মা, পীযুষ কান্তি চৌধুরী, প্রীতি মজুমদার, পূজা দাস, স্বপ্না দত্ত প্রমুখ। স্বাগত বক্তব্য রাখেন তথ্য ও সংস্কৃতি দপ্তরের খোয়াই কার্যালয়ের বরিষ্ঠ তথ্য আধিকারিক বিশ্বজিৎ বণিক। অনুষ্ঠান শেষে অতিথিগণ ও উপস্থিত জনসাধারণ সাফাই অভিযানে অংশ নেন।

বিলোনীয়ার বরজ কলোনীস্থিত গান্ধী মূর্তির পাদদেশে গতকাল এক অনুষ্ঠানের মধ্য দিয়ে গান্ধী জন্মজয়ন্তী পালন করা হয়। অনুষ্ঠানের উদ্বোধন করেন বিলোনীয়া পুর পরিষদের চেয়ারপার্সন নিখিল চন্দ্র গোপ। প্রধান অতিথি হিসেবে উপস্থিত ছিলেন দক্ষিণ ত্রিপুরা জেলার জেলাশাসক সাজু বাহিদ এ।

*****২য় পাতায়

উপস্থিত ছিলেন বিলোনীয়া মহকুমা মহকুমা শাসক রতন ভৌমিক, পুর পরিষদের শিক্ষা ও স্বাস্থ্য বিষয়ক স্থায়ী কমিটির সভাপতি অনুপম চক্রবর্তী, জনস্বাস্থ্য বিষয়ক স্থায়ী কমিটির সভাপতি সুশংকর ভৌমিক প্রমুখ। সভাপতিত্ব করেন কাউন্সিলার রঞ্জিতা দাস বৈদ্যা। স্বাগত বক্তব্য রাখেন তথ্য ও সংস্কৃতি দপ্তরের সহ অধিকর্তা রিপন চাকমা।

শান্তিরবাজারের মুকুট অডিটোরিয়ামে আয়োজিত এক অনুষ্ঠানের মাধ্যমে গান্ধী জন্মজয়ন্তী পালন করা হয়। অনুষ্ঠানের শুরুতে শান্তিরবাজার পুর পরিষদের ভাইস চেয়ারপার্সন সত্যব্রত সাহা, কাউন্সিলার নেপাল চন্দ্র দাস, কাউন্সিলার শ্যামলাল দেবনাথ, কাউন্সিলার স্মৃতি সাহা, বিশিষ্ট সমাজসেবী দুলাল দেবনাথ মহাত্মা গান্ধীর প্রতিকৃতিতে মাল্যদান করে শ্রদ্ধা জ্ঞাপন করেন ও বক্তব্য রাখেন। স্বাগত বক্তব্য রাখেন বরিষ্ঠ তথ্য আধিকারিক রাজেশ দেবনাথ। স্থানীয় শিল্পীগণ দেশাত্মবোধক সংগীত পরিবেশন করেন।

অমরপুর টাউনহলে আয়োজিত অনুষ্ঠানের মাধ্যমে যথাযোগ্য মর্যাদায় গান্ধী জন্মজয়ন্তী পালন করা হয়। এই অনুষ্ঠানের উদ্বোধন করেন বিধায়ক রঞ্জিত দাস। উপস্থিত ছিলেন গোমতী জিলা পরিষদের সদস্য মহীভূষণ চক্রবর্তী, মহকুমা শাসক প্রশান্ত বাদল নেগী, মহকুমা পুলিশ আধিকারিক দেবাজলী রায় প্রমুখ। অনুষ্ঠানে সভাপতিত্ব করেন অমরপুর নগরপঞ্চায়েতের চেয়ারপার্সন বিকাশ সাহা। অতিথিগণ মহাত্মা গান্ধীর জীবনাদর্শ নিয়ে আলোচনা করেন। স্বচ্ছতা হি সেবা কর্মসূচির অঙ্গ হিসেবে নগরপঞ্চায়েত এলাকার সাফাই কর্মীদের সংবর্ধনা প্রদান করা হয় এবং ছাত্রছাত্রীদের মধ্যে অনুষ্ঠিত বসে আঁকো ও কুইজ প্রতিযোগিতায় বিজয়ীদের পুরস্কৃত করা হয়।

যতনবাড়ি কমিউনিটি হলে এক অনুষ্ঠানের মধ্য দিয়ে মহাত্মা গান্ধীর জন্মজয়ন্তী পালন করা হয়। অনুষ্ঠানের উদ্বোধন করেন করবুক মহকুমা কল্যাণ আধিকারিক অরজিত দেববর্মা। মহাত্মা গান্ধীর জীবনাদর্শ নিয়ে আলোচনা করেন বিশিষ্ট সমাজসেবী ভাস্কর ভট্টাচার্য, যতনবাড়ি উপস্বাস্থ্য কেন্দ্রের সামাজিক স্বাস্থ্য আধিকারিক রূপালী চাকমা। সভাপতিত্ব করেন বিশিষ্ট সমাজসেবী কালাচান বণিক। অনুষ্ঠানে শিল্পীগণ দেশাত্মবোধক সংগীত পরিবেশন করেন। করবুক বাজার ও যতনবাড়ি বাজার এলাকায় সাফাই অভিযান করা হয়।

সারুমে গান্ধী জন্মজয়ন্তী পালন করা হয় ঋষি অরবিন্দ মিলনায়তনে। মহকুমা ভিত্তিক এই অনুষ্ঠানের উদ্বোধন করেন প্রাক্তন বিধায়ক শংকর রায়। বিধায়ক মাইলাফু মগ সারুম নগরপঞ্চায়েতের ভাইস চেয়ারপার্সন দীপক দাস, মাইকেল মধুসূদন দত্ত কলেজের অধ্যক্ষ অনুপম গুহ মহাত্মা গান্ধীর জীবনাদর্শ নিয়ে আলোচনা করেন। অনুষ্ঠানে উপস্থিত ছিলেন সারুম নগরপঞ্চায়েতের সদস্য রতন চক্রবর্তী, প্রদীপ দাস, রণজিৎ রায় চৌধুরী প্রমুখ। সভাপতিত্ব করেন সারুম নগরপঞ্চায়েতের চেয়ারপার্সন রমা পোদার দে। স্থানীয় শিল্পীগণ সাংস্কৃতিক অনুষ্ঠান পরিবেশন করেন। গান্ধী জন্মজয়ন্তী উপলক্ষে আয়োজিত বসে আঁকো প্রতিযোগিতায় অংশগ্রহণকারী ছাত্রছাত্রীদের পুরস্কৃত করা হয়।

কুমারঘাটে বিদ্যালয় পরিদর্শক কার্যালয় প্রাঙ্গণে আয়োজিত অনুষ্ঠানের উদ্বোধন করেন কুমারঘাট পুর পরিষদের চেয়ারপার্সন বিশ্বজিৎ দাস। অনুষ্ঠানের প্রধান বক্তা হিসেবে মহাত্মা গান্ধীর জীবনাদর্শ নিয়ে আলোচনা করেন প্রাক্তন শিক্ষক রবীন্দ্র সিনহা। সভাপতিত্ব করেন সমাজসেবী পবিত্র দেবনাথ। স্বাগত বক্তব্য রাখেন বরিষ্ঠ তথ্য আধিকারিক সুভাশিস সেনগুপ্ত। স্থানীয় শিল্পীগণ সাংস্কৃতিক অনুষ্ঠান পরিবেশন করেন। সকালে অনুষ্ঠিত হয় প্রভাতফেরী। শিশুদের মধ্যে বসে আঁকো প্রতিযোগিতারও আয়োজন করা হয়।

(৩)

পানিসাগর টাউনহলে মহাত্মা গান্ধী জন্মজয়ন্তী পালন অনুষ্ঠানের উদ্বোধন করেন ও বক্তব্য রাখেন বিধায়ক বিনয় ভূষণ দাস। স্বাগত বক্তব্য রাখেন পানিসাগর নগরপঞ্চায়েতের কার্যনির্বাহী আধিকারিক সুভাষ আচার্য। উপস্থিত ছিলেন পানিসাগর নগরপঞ্চায়েতের ভাইস চেয়ারপার্সন ধনঞ্জয় দেবনাথ, সমাজসেবী বিবেকানন্দ দাস, সমাজসেবী নিরুপম দে প্রমুখ। সভাপতিত্ব করেন পানিসাগর নগরপঞ্চায়েতের চেয়ারপার্সন অনুরাধা দাস। অনুষ্ঠানে বিভিন্ন সাংস্কৃতিক সংস্থার শিল্পীগণ দেশাত্মবোধক সাংস্কৃতিক অনুষ্ঠান পরিবেশন করেন।

ছৈলেংটা কমিউনিটি হলে গান্ধী জন্মজয়ন্তী পালন অনুষ্ঠানের উদ্বোধন করেন ত্রিপুরা উপজাতি এলাকা স্বশাসিত জিলা পরিষদের সদস্য সঞ্জয় দাস। উপস্থিত ছিলেন ডিসিএম শিমুল চন্দ্র দাস, লংতরাইভ্যালি সরকারি ডিগ্রি কলেজের অধ্যাপক ড. সামসুর আলম চৌধুরী এবং সমাজসেবী ব্রজলাল ত্রিপুরা। অতিথিগণ গান্ধীজীর জীবনাদর্শ নিয়ে আলোচনা করেন।

কাঞ্চনপুরের সাতনালা দ্বাদশ শ্রেণী বিদ্যালয়ে এক অনুষ্ঠানের মধ্য দিয়ে কাঞ্চনপুর মহকুমা ভিত্তিক মহাত্মা গান্ধীর জন্মজয়ন্তী উদযাপন করা হয়। জিলা পরিষদ সদস্য শৈলেন্দ্র নাথ অনুষ্ঠানের উদ্বোধন করেন। উপস্থিত ছিলেন দশদা বিএসি'র ভাইস চেয়ারম্যান সঞ্জিত রিয়াং, সমাজসেবী দেবদুলাল নাথ প্রমুখ। উদ্বোধক এমডিসি শৈলেন্দ্র নাথ ও শিক্ষক তাপস দেবনাথ গান্ধীজীর জীবনাদর্শ নিয়ে আলোচনা করেন। স্বাগত বক্তব্য রাখেন তথ্য ও সাংস্কৃতি দপ্তরের এসআইও বিদ্যামোহন জমাতিয়া। সভাপতিত্ব করেন দশদা বিএসি'র ভাইস চেয়ারম্যান সঞ্জিত রিয়াং। অনুষ্ঠানে স্থানীয় শিল্পীগণ সাংস্কৃতিক অনুষ্ঠান পরিবেশন করেন।

বক্সনগরে মতিনগর কমিউনিটি হলে যথাযোগ্য মর্যাদায় গান্ধী জন্মজয়ন্তী উদযাপন করা হয়। অনুষ্ঠানের উদ্বোধন করেন বক্সনগর পঞ্চায়েত সমিতির চেয়ারম্যান সঞ্জয় সরকার। উপস্থিত ছিলেন পঞ্চায়েত সমিতির ভাইস চেয়ারম্যান এরসাদ মিয়া, মতিনগর গ্রামপঞ্চায়েতের প্রধান বীনা দাস বিশ্বাস প্রমুখ। স্বাগত বক্তব্য রাখেন বরিষ্ঠ তথ্য আধিকারিক অমৃত দাস।

জিরানীয়ায় মহাত্মা গান্ধীর জন্মজয়ন্তী উদযাপন অনুষ্ঠানের আয়োজন করা হয় পুরাতন আগরতলা ব্লক কার্যালয়ে। অনুষ্ঠানের উদ্বোধন করেন বিধায়ক রতন চক্রবর্তী। তিনি মহাত্মা গান্ধীর জীবনাদর্শ নিয়ে আলোচনা করেন। স্বাগত বক্তব্য রাখেন অতিরিক্ত মহকুমা শাসক সুশান্ত দেববর্মা। উপস্থিত ছিলেন পুরাতন আগরতলা পঞ্চায়েত সমিতির চেয়ারম্যান বিশ্বজিৎ শীল, বিডিও শান্তনু দত্ত প্রমুখ। স্থানীয় শিল্পীগণ দেশাত্মবোধক সংগীত ও ভজন পরিবেশন করেন। ধন্যবাদসূচক বক্তব্য রাখেন বরিষ্ঠ তথ্য আধিকারিক গৌতম দাস।

জম্পুইজলায় শ্রী গৌরাঙ্গ বিদ্যামন্দির প্রাঙ্গণে আয়োজিত অনুষ্ঠানের মাধ্যমে মহাত্মা গান্ধীর জন্মজয়ন্তী পালন করা হয়। বিদ্যালয়ের ছাত্রছাত্রী ও স্থানীয় শিল্পীগণ অনুষ্ঠানে সাংস্কৃতিক অনুষ্ঠান পরিবেশন করেন। অনুষ্ঠান শুরু হয় গান্ধীজীর প্রতিকৃতিতে মালাদান ও পুষ্পার্ঘ্য অর্পণের মধ্য দিয়ে। উপস্থিত ছিলেন দারকাইছড়া হাই স্কুলের প্রধান শিক্ষক অমৃত দেববর্মা, প্রাক্তন শিক্ষক শচীন কলই, সমাজসেবী মেরা দেববর্মা প্রমুখ।

মোহনপুর পঞ্চায়েত সমিতির কনফারেন্স হলে গান্ধী জন্মজয়ন্তী পালন করা হয়। অনুষ্ঠানের উদ্বোধন করেন মোহনপুর পুর পরিষদের চেয়ারপার্সন অনিতা দেবনাথ। উপস্থিত ছিলেন সমাজসেবী ধীরেন্দ্র দেবনাথ, শ্যামল দেবনাথ প্রমুখ। সভাপতিত্ব করেন সমাজসেবী ভবতোষ বিশ্বাস। স্বাগত বক্তব্য রাখেন বরিষ্ঠ তথ্য আধিকারিক অশোক দেববর্মা। স্থানীয় শিল্পীগণ অনুষ্ঠানে সাংস্কৃতিক অনুষ্ঠান পরিবেশন করেন।

***** ৪র্থ পাতায়

তেলিয়ামুড়ায় চিত্রাঙ্গদা টাউনহলে মহাত্মা গান্ধী জন্মজয়ন্তী অনুষ্ঠানের উদ্বোধন করেন ত্রিপুরা বিধানসভার মুখ্য সচিব কল্যাণী সাহা রায়। অনুষ্ঠানে প্রধান অতিথি হিসেবে উপস্থিত ছিলেন তেলিয়ামুড়া পুর পরিষদের চেয়ারপার্সন রূপক সরকার। অনুষ্ঠানের উদ্বোধক ও প্রধান অতিথি মহাত্মা গান্ধীর জীবনাদর্শ নিয়ে আলোচনা করেন। উপস্থিত ছিলেন পুর পরিষদের কাউন্সিলার শঙ্কর ঘোষ প্রমুখ। স্বাগত বক্তব্য রাখেন পুর পরিষদের মুখ্য কার্যনির্বাহী আধিকারিক অভিজিৎ চক্রবর্তী। অনুষ্ঠানের শুরুতে অতিথিগণ মহাত্মা গান্ধীর প্রতিকৃতিতে পুষ্পার্ঘ্য অর্পণ করে শ্রদ্ধা জ্ঞাপন করেন। অনুষ্ঠান শেষে স্বচ্ছতা হি সেবা কর্মসূচিতে আয়োজিত বসে আঁকো প্রতিযোগিতায় বিজয়ী শিশুদের পুরস্কৃত করা হয়। পুর এলাকায় বাড়ি বাড়ি গিয়ে যেসব মহিলারা আবর্জনা সংগ্রহ করেন তাদের ছাতা ও শাড়ি উপহার দিয়ে সম্মাননা জ্ঞাপন করা হয়। যে তিনটি স্বসহায়ক দল আবর্জনা সংগ্রহের দায়িত্বে রয়েছে তাদের ১৩ লক্ষ টাকার ঋণের চেক প্রদান করা হয়। তাছাড়া পুর পরিষদ এলাকার ৪টি সোসাইটিকে ৩ লক্ষ টাকা করে ব্যাংক ঋণের চেক প্রদান করা হয়। অতিথিগণ তাদের হাতে চেক তুলে দেন। অনুষ্ঠানে সভাপতিত্ব করেন পুর পরিষদের ভাইস চেয়ারপার্সন মধুসূদন রায়। স্থানীয় শিল্পীগণ সাংস্কৃতিক অনুষ্ঠান পরিবেশন করেন।
